



新鞆淫瀆書地理考彙釋

ル 5
133
2





新輯注地里志卷第三

嘉定錢坫著

大興徐松集釋

宏農郡武帝元鼎四年置

武帝本紀元鼎三年冬徙函谷關於新安以故關為宏

農縣然則置郡亦當在三年矣四字疑誤錢氏大昕曰元鼎以前屬

何郡志失書又曰京兆馮翊扶風不言屬司隸者尊京輔也宏農河東承三輔之下故亦不言所屬河內河南則中隔太原上黨兩郡故書屬司隸以別之

莽曰右隊

王莽以宏農河東河南河內潁川南陽為六隊郡

戶十一萬八千九十一口四十七萬五千九百五十四有鐵官在龜池縣十一

名
133
2

宏農

在今陝州靈寶縣南十二里太平寰宇記故縣在靈寶

縣西南十二里閻氏若璩曰宏農郡治宏農

故秦函谷關

秦徙關於新安故以此為故關

衡領下谷燭水所出北入河

衡領本或作衙山領者誤也郡國志注及本書高帝本

紀注並為衡領因改正水經注云燭水入門水門水入

河今志有燭無門燭水即門水矣燭燭之俗字衡領開

山圖以為在函谷西南在今靈寶縣南十二里門水在

縣之西南也段氏玉裁曰衡領之作衙山領乃衡誤為衙嶺析為山領也古嶺祇作領字本篇內

可證也高帝紀文穎注曰是時函谷關在宏農縣衡嶺而史記項羽本紀注誤衍山字水經注河水篇引地里志曰燭水出衡嶺下谷郡國志宏農下曰燭水出劉注云前志出衡山嶺下谷亦衍山字可合以正譌戴趙二家依漢書誤本改水經注為衙嶺者非也武功衙領不與此相涉玩文穎語當以衡領為句班舉燭水即賅門水非與

盧氏

在今陝州盧氏縣東

熊耳山在東

山在今盧氏縣東南七十里元和郡縣志在盧氏縣南

五十里

伊水出東北入洛

今伊水出縣東南一百六十里閻頓領東流逕嵩縣南

伊陽縣北至偃師縣南入洛山海經蔓渠之山伊水出焉水經伊水出南陽魯陽縣蔓渠山蔓渠即閿頓聲相

近傳呼之誤耳淮南子又云上魏山括地志又云巒山

別異名也閿氏若璩曰伊水出魏州盧氏縣東巒山一名閿頓嶺巒山在今縣東南百六十里非今

縣西南五十里之熊耳山也又曰盧氏縣志云今觀熊耳雖偃有伊源之名而無流衍之跡王氏念孫曰出上

脫所字班史之例上言某山下言某水所出若續漢書郡國志則但言某水出而不言其所入此志各郡國下

言某水所出者八十有六惟此及汝水灌水母血水女水五條脫所字段氏玉裁曰伊水之上當有禹貢字而

不言者以其入雒而以下文禹貢雒水賅之也

過郡一行四百五十里

過河南郡段氏玉裁曰當作過郡二謂宏農河南也雒水出上雒至鞏亦是過郡二

又有育水南至順陽入沔

育說文解字作清水水經清水出宏農盧氏縣攻離山注

清水道源東流逕酈縣北又東南歷雒縣之衡山逕博

望縣東西鄂縣西又南逕宛城東清陽縣東新野縣西

鄧縣東南入于沔依義則今之白水也亦曰白河出南

陽府南召縣西北曹峯山南逕南陽府城東南新野縣

西至襄陽府城北入漢段氏玉裁曰育水山海經南都賦水經注說文解字皆作清水

音育又曰順陽者南陽之博山

又有洱水東南至魯陽亦入沔

水經注洱水出宏農盧氏縣熊耳山東南逕酈縣北西

鄂縣南注于清水世謂之肄水非也在今南召縣西北

境洱水蓋合育水而入于漢水本有互受通稱之例故

此亦云南召之東今魯山縣于漢為魯陽縣耳段氏玉裁曰洱

水見水經注清水篇洱而止而志二切

皆過郡二行六百里

過宏農南陽二郡

莽曰昌富

陝

今陝州

故虢國

南虢也在今陝州西括地志在陝縣西二里段氏玉裁曰下云北

虢則此當為南虢矣僖四年晉假道於虞圍上陽滅虢杜預云上陽虢都邑在宏農陝縣東南是也

有焦城故焦國

在今陝州東北括地志故城在陝縣東北百步段氏玉裁曰焦

國見春秋左傳襄二十九年杜注焦在陝縣

北虢在大陽

今解州平陸縣段氏玉裁曰僖二年虞師晉師滅下陽杜云下陽虢邑在河東大陽縣杜云一

國者是班分為二國似非

東虢在熒陽

今開封府汜水縣春秋傳虢仲虢叔王季之穆賈逵云

虢仲封東虢制是也虢叔封西虢虢公是也段氏玉裁曰東虢在

熒陽應邵劉昭皆曰故虢國今虢亭是也劉昭云今汜水縣是東虢按即賈逵所云東虢在制即今汜水縣也

西虢在雍縣

在今鳳翔府寶雞縣東六十里帝王世紀以大陽為西

號成皋即熒陽為東號陝州平陸縣即此為北號賈逵

杜預以此為西號段氏玉裁曰雍縣故城故秦德公所居也

晉書地道記以為西號地也漢書地理志以為西號此

下有縣字誤上文右扶風有號郡國志無之蓋併入

雍秦宣太后於此起號宮故曰西號在雍在今鳳翔府

也按熒陽東號蓋即西號自雍而遷者而鄭武公滅之

大陽陝之號則晉獻公滅之章昭云虞號之號西號也

號叔之後號鄆之號東號也號仲之後說本賈逵班則

以大陽為北號雍為西號陝別為一號熒陽為東號則

同松按今志作雍州王氏念孫曰州字後人所加西號

在雍謂雍縣大陽熒陽雍皆縣名漢雍縣故城在今陝

西鳳翔縣南春秋時為秦都後置雍縣左傳秦輸粟於

晉自雍及絳

相繼是也

宜陽

在今河南府宜陽縣東北十四里通典後漢書注並云

奏曰黃眉

在福昌縣東括地志在福昌縣東十四里元和郡縣志

宜陽今福昌縣也

故龜池

舊本作在龜池按水經注云故龜池縣治南對金門隴

水南五里舊宜陽縣治也是作在字者誤矣依文改之

秦趙所會之地故云爾金門山在今縣西六十里松按

本作有龜池云各本有作在今正有龜池者水經注云

穀水出千嶠山馬頭山穀陽谷東北流歷龜池川本中

鄉地也宜陽有龜池川本水名因以為地名故戰國秦

昭王趙惠文王會龜池龜池即中鄉也宜陽大縣名為

縣其實郡也本韓地最為要害其地大故不曰會宜陽

而曰會龜池龜敏緬二音俗作灑非也龜池亦曰彭池

徐廣史記音義曰龜或

作彭按其方語音彭也

有鐵官也

今宜陽縣出鐵

龜池高帝八年復龜池中鄉民景帝中二年初城徙萬家為縣

今河南府龜池縣以故龜池為宜陽縣復置中鄉為龜

池縣也

段氏王裁曰復龜池當作復宜陽初復宜陽之縣宜陽始分為二縣也班中鄉又徙他民足萬家為龜池知矣而酈氏曰者彥云昔秦趙之會各據一城豈知二王會中鄉鼓瑟擊缶未必各據一城景帝城中鄉而二之流俗耳食之徒目為秦趙二城耳酈氏直云穀水東逕秦趙二城且引地里志初城徙之文刪去城字殆失其實

穀水出穀陽谷東北至穀城入雒

今穀水出河南府永甯縣北七十里東流至新安縣入澗山海經傳山之西有林焉曰嶓冢穀水出焉東流注

於洛水經穀水出嶓冢林穀陽谷東南入於洛即此是

也

段氏王裁曰穀水出龜池縣歷龜池川南至宜陽又曰龜池縣亦有鐵官不書者已見郡下松按穀成段校作城云河南郡下作成水經注城西臨穀水故縣取名焉作城是矣

莽曰陝亭

丹水

在今南陽府內鄉縣西南後漢書注故城在內鄉縣西南太平寰宇記引郡國記曰在縣西南百三十里以今道里計之無此遠也故縣應在鄧州光化縣之西北淅川縣之東南耳
水出上雒冢領山東至析入鈞
水經丹水出京兆上雒縣西北冢領山東南過商縣又

東南至丹水縣入于均均水出析縣北山南流當涉都
邑南入于河今丹水出商州西北境秦領東麓東南流
逕州城南又東南逕商南縣西南境至內鄉縣西南境
而與均水合均水今日老觀河也出杏花山南流逕浙
川縣東而與丹水合下統名之曰丹江也丹江于蕭江
口東南入漢蕭江在鄖陽府均州之東於字均鈞同按松
段棧水上有丹字云各本自注少丹字大字縣名也小
字水名也以水名縣矣鈞水名水經作均丹水東南入
均均水出析縣
北山南入河

密陽鄉故商密也

春秋傳楚戍商密亦曰三戶在今內鄉縣西南段氏玉
密見春秋左傳傳二
十五年以綴春秋也
裁日商

新安

今河南府新安縣後漢書注今新安縣也史記正義故
城在黽池縣東二十二里

禹貢澗水在東南入雒

今澗水出黽池縣東北白石山東流逕義昌驛南又東
合穀水逕新安縣南又逕河南府城西入于洛山海經
白石之山惠水出于其陽東南流注于洛澗水出于其
陰北流流于穀水經注亦以為澗水入穀蓋穀水入澗
之後互受通稱也段氏玉裁曰按此當在東斷句閻氏
若璩曰澗水出黽池縣白石山穀水
出黽池縣南山中穀陽谷一東流一東北流折而會于
新安縣之東自是澗遂兼穀之稱故洛誥澗水出今之
西周語穀洛門穀即澗也蔡沈書傳謂澗水出今之
池至新安入洛大非洛未嘗經新安縣境何得於此入

洛蓋蔡氏誤讀班志之文班志澗水在新安東旬南入洛南入洛者周時澗水本在王城西入洛非新安也建武以後穿渠作堰水之變遷非一道矣

商

在今商州東九十里太平寰宇記故城在商州東十九里本契所居括地志商州東八十里商洛縣本商邑契所封也

秦相衛鞅邑也

秦孝公二十二年封之

段氏玉裁曰此下及戰國也秦封鞅商於十五邑號商君

析

今南陽府內鄉縣括地志元和郡縣志後漢書注史記索隱並云內鄉縣城今析縣城也鄒誕生音析為錫

黃水出黃谷

今水在內鄉縣東原出蕭山東南流逕縣城西南入于湍水經注黃水出芬山黃谷是也

鞠水出析谷俱東至酈入湍水

今水在內鄉縣西北原出石澗山東入于湍荆州記作菊水云出酈縣北八里中有三十家不復穿井悉飲此水上壽百二十中壽百餘太尉胡廣父病風羸飲此水疾遂瘳水經注菊水出石澗山芳菊溪亦言出析谷蓋溪澗之異名也水經注湍水出酈縣北芬山東南流入于清今湍水原出嵩縣西南老君山南流逕內鄉縣東鄧州東北新野縣西而與白水會白水即清水也

段氏玉裁

曰酈南陽縣也如音躡躡之躡音持益切今說文郎狄切非也湍音專黃水鞠水入湍水湍水入清水以南入於

券曰君亭

陸渾

在今河南府嵩縣北三十里

春秋遷陸渾戎于此有關

即伊闕關也在今河南府城西南三十里後漢書云靈帝中平元年置靈帝蓋增修之耳史記周本紀曰白起將兵出塞西周與諸侯約從將天下銳師出伊闕攻秦是舊有此關矣段氏玉裁曰此綴春秋左傳僖二十二年春晉遷陸渾之戎於伊川也云有關者謂伊闕也在今河南府西南三十里亦曰龍門山亦曰關塞山王氏念孫曰春秋為秦晉之訛即左傳秦晉

遷陸渾之戎於伊川也

上雒

今商州胡三省通鑑注居雒水上因以為名段氏玉裁曰上雒二字

字見左傳哀四年及竹書其名古矣謂地在雒水之上源也

禹貢雒水出冢領山東北至鞏入河

今洛水出商州洛南縣西冢領山東南流逕盧氏縣南折而東逕熊耳山北永甯縣南宜陽縣北又東北出重山逕河南府城南孟津縣南偃師縣南鞏縣西北至汜水縣西北入于河山海經洛水出謹舉之山淮南子注冢領山一名高豬領古聲高謹相轉豬舉相同蓋異稱一山也段氏玉裁曰云禹貢雒水者所以綴禹貢也禹貢五言雒故蒙上文釋之云禹貢雒水出冢領

山若如今本漢書上文禹貢皆改為洛矣則此四字何所承乎天下讀書人之習焉不察類如此矣

過郡二行千七十里豫州川

過宏農河南二郡也

又有甲水出秦領山東南至錫入沔

疑卽吉水也今俗稱之曰夾河出鎮安縣界山東南流

逕沙口鋪南上津堡西至夾關塘東又南于白河縣界

入漢段氏玉裁曰甲水詳見水經注沔水篇甲水自宏農上維秦領山至漢中錫當云西南不當云東南

當有誤錫音陽

過郡三行五百七十里

過宏農漢中二郡也三字誤當爲二

熊耳獲輿山在東北

卽盧氏之山也獲輿亦謹舉字形相近而誤三輔舊事

曰四皓隱于上雒熊耳山西然則商山亦得熊耳之名

矣段氏玉裁曰獲輿山蓋卽山海經之謹舉山聲之轉也

河東郡秦置

章昭曰高祖時以河東河內河南爲三河段氏玉裁曰秦置者此文云本秦京師爲內史分天下爲三十六郡是也

秦置三十六郡之一也內史不在三十六郡之內下文云本秦京師爲內史分天下爲三十六郡是也

莽曰兆隊

本作兆陽者非兆卽汾洮之洮也古字通用段氏玉裁曰兆陽

當爲隊王莽傳曰河東河內宏農河南潁川南陽爲六隊郡志言河內曰後隊潁川曰左隊南陽曰前隊宏農

曰右隊而河南則曰保忠信鄉河東則曰兆陽兆陽之義蓋取在京兆之東乎有欲改爲洮隊者非也又曰水

經注洮水篇秦始皇使左更白起取安邑置河東郡王莽更名兆隊今本陽字恐隊字之誤隊者今之隧字猶

道也錢氏大昕曰此當作兆隊祈隊則治河南之樊陽莽傳云祈隊故樊陽也

有根倉涇倉戶二十三萬六千八百九十六口九十六萬二千九百一十二縣二十四

尹翁歸傳云河東二十八縣分爲兩部則是時已改除

四縣矣松按涇倉段校作涇倉

安邑

在今解州夏縣東北十五里元和郡縣志史記正義並

云在夏縣東北十五里後漢書注今安邑縣也按今安

邑縣亦屬解州在夏縣之西南是兼有其地矣閻氏若璩曰秦

漢河東郡皆治安邑

巫咸山在南

山在今夏縣南五里水經注安邑縣有巫咸邨

鹽池在西南

在今安邑縣南太平寰宇記在安邑縣南五里說文解

字鹽河東鹽地袤五十一里廣七里周百六十里水經

注東西七十里南北十七里山海經所謂鹽販之澤也

魏絳自魏徙此

史記魏世家絳徙治安邑

至惠王徙大梁

惠王三十一年徙也

有鐵官鹽官莽曰河東

段氏玉裁曰晉獻滅魏以封畢萬其曾孫魏絳徙安邑莽曰河東者郡既更名以故郡名名縣也

大陽

在今解州平陸縣東北應邵曰在大河之陽也段氏王裁曰應

邵謂大陽在大河之陽水南為陰水北為陽縣在大河故曰大陽故城在今解州平陸縣東北

吳山在西上有吳城

吳城在今平陸縣東北六十里括地志故虞城在河北

縣東北五十里虞山之上史記秦昭王代魏取吳城即

此段氏王裁曰吳城即今平陸東北五十里虞山上故虞城虞吳古字通用

周武王封太伯後於此是謂虞公為晉所滅

封周章弟虞仲也古字虞吳同用段氏王裁曰吳世家武王封周章弟虞仲

於周之北故夏虛是為虞公史記公字今譌仲非也史記云求大伯虞仲之後此云大伯後者大伯無子虞仲為大伯後史兼言之此專言之皆可以明兄弟相後之義也周章既君吳矣又君虞仲於虞者廣大伯之後即

廣虞仲之後也

有天子廟莽曰勤田

猗氏

在今蒲州府猗氏縣南二十里太平寰宇記故城在猗

氏縣南二十里春秋時令狐也段氏王裁曰猗氏故城在今猗氏縣南二十里

俗謂王寮村丁度云此左傳郇瑕氏之地

解

在今蒲州府臨晉縣東南元和郡縣志在臨晉東南十

八里段氏王裁曰解故城在今臨晉縣東南十八里八里即春秋左傳之解梁城也解音蟹

蒲反

在今蒲州府城東五里括地志今蒲州南二里河東縣

界故城是也應邵曰秦始皇東巡見長阪故加反云孟
 康曰本蒲也晉文公以賂秦後秦人還蒲魏人喜曰蒲
 反矣謂秦名之非也臣瓚曰秦本紀云以垣易蒲反然
 則本非蒲也余攷春秋傳秦庶長武濟自輔氏與庶長
 鮑交伐晉師戰于櫟輔氏卽蒲也古字蒲輔聲相近通
 用反卽阪字亦通非有異義也段氏玉裁曰蒲反故城
 在今蒲州府東南五里

有堯山首山祠

堯山中條山也在今蒲州府城東南十五里首山卽雷
 首山亦曰首陽山在府城南三十里馬融曰首陽山在
 蒲阪華山之北河曲之中伯夷所隱也攷古夷齊所隱
 首陽有三說曹大家幽通賦注謂在隴西卽隴西郡首

陽縣在今蘭州府渭源縣西二十里戴延之西征記謂
 在洛陽東北水經注曰或云夷齊餓死在此在今河南
 府偃師縣西北二十里一言在此但夷齊之歌自稱西
 山而蒲阪之山無西山之目若以在周之西論之則作
 隴西者是矣惟自唐以後皆推本馬融建祠定祀證古
 者因循莫改殊難辨其真正焉又武帝元封六年作首
 山宮文穎以爲亦在此

雷首山在南故曰蒲秦更名

山海經蒲山之首曰甘棗之山封禪書薄山者襄山也
 徐廣曰薄山在此縣古文蒲薄字聲相近然則薄山卽
 蒲山亦卽雷首山矣穆天子傳云河首襄山亦指此

莽曰蒲城

河北詩魏國

在今解州芮城縣北五里元和郡縣志故城在芮城縣

北五里

晉獻公滅之以封大夫畢萬曾孫絳徙安邑也

世本畢萬生芒季芒季生武仲州武仲生莊子絳史記

萬生武子武子生悼子悼子生絳是絳為萬曾孫世本

有芒季無悼子與史記異史記又云悼子徙治霍世本

居篇亦云武子居魏悼子徙霍此志所不詳

左邑

在今絳州聞喜縣東三十里詩從子于鵠此縣也

莽曰兆亭

此兆亦當為洮

段氏玉裁曰涑水注作洮亭左傳之汾洮也洮水入涑水左傳或言洮或言涑

蓋互受通稱矣

汾陰

在今蒲州府榮河縣北十里魏上地記河東郡北八十

里有汾陰城括地志故城在汾陰縣北九里太平寰宇

記在寶鼎縣北九里

介山在南

山在今蒲州府萬泉縣東十五里萬泉亦汾陰之地也

俗名之曰孤山

聞喜

在今聞喜縣西南八里元和郡縣志太平寰宇記並云故城在聞喜縣西南八里

故曲沃晉成侯自晉陽徙此

唐固曰下平曰行有漑曰沃舊本成侯作武公攷詩譜云晉成侯南徙居曲沃孔穎達正義引此亦作成侯故

依改之王氏念孫曰晉成侯自晉陽徙曲沃晉武公自曲沃徙絳

武帝元鼎六年行過更名

武帝本紀將幸緱氏至左邑桐鄉聞南粵破以為聞喜縣桐鄉在今平陽府曲沃縣西南四十五里在聞喜縣之東北也

濩澤

在今澤州府陽城縣西三十里太平寰宇記陽城縣西三十里即漢理應邵曰澤在縣西墨子曰舜漁于此元和郡縣志澤在陽城縣西北十三里

禹貢析城山在西南

山在今陽城縣西南七十里水經注析城山高峻上平坦下有二泉東濁西清左右不生草木數十步外多細竹

端氏

在今澤州府沁水縣東四十五里通典故城在端氏縣西後漢書注在西北太平寰宇記端氏縣西北三十里即漢理三晉分晉封晉君於此

臨汾

在今絳州東北二十五里括地志故城在正平縣東北
太平寰宇記東北二十五里水經注縣在介山北此介
山即萬泉縣山也

垣

在今絳州垣曲縣西北二十里括地志故城在垣縣西
北二十里元和郡縣志西二十里太平寰宇記在西北
禹貢王屋山在東北

山在今懷慶府濟原縣西八十里括地志在王屋縣北
十里元和郡縣志在東北十五里古今地名曰山方七
百里高萬仞狀如垣故以名縣

沅水所出

山海經王屋之山聯水出焉西北流于秦澤聯即沅也
古字通沅俗作竟者非

東南至武德入河軼出滎陽北地中

爾雅所謂濟為滎也今本誤滎字為澆致使人莫究其
基阻非矣

又東至琅槐入海

水經濟水至乘氏縣西分為二一流東北出至甲下邑
入河一流東南出至睢陵入淮此至琅槐入海者蓋專
言北出之流也然禹貢水經道里已多不合今則自武
德入河以上猶能踵攷原流東漢以後滎澤塞為平地

下流遂不可指究矣今小清河自高苑博興樂安等縣境東北入海即濟水入海之道也其原出王屋山頂曰天壇有太乙池渟淵不流即水之正原也東數十里出地東流逕濟原縣城北又東分爲二一流逕柏香鎮南入河一流逕鎮北又東曰豬龍河逕懷慶府城南又東逕温縣北至武陟縣之澗溝入河濟說文解字作沛正字通作濟者石濟水字也借字

過郡九行千八百四十里

濟水從武德以下過河內河南陳留濟陰山陽太山濟

南齊千乘九郡

松按段氏數九郡有河南梁國無河南山陽

皮氏

今絳州河津縣水經注故城在龍門東南括地志故城在龍門縣西百八十步後漢書注在龍門縣西太平寰宇記今龍門縣西一里八十步有故城存元和郡縣志黃河北去縣二十五里

耿鄉故耿國

在今河津縣東一里括地志在龍門縣東南十二里元和郡縣志在龍門縣南十二里

晉獻公滅之以賜大夫趙夙後十世獻侯徙中牟

史記夙生共孟共孟子衰衰子盾盾子朔朔子武武子成成子鞅鞅子毋卹毋卹子獻侯是爲九世

有鐵官莽曰延平

長脩

今絳州稷山縣郡國縣道記絳西北三十里有長脩故城水經汾水南過臨汾縣東屈從縣南西流過長脩縣南又西過皮氏縣南是稷山實當其地矣

平陽

在今平陽府城西南括地志平陽今晉州城也應邵曰在平河之陽水經注平水出縣壺口山東逕平陽城南東入汾元和郡縣志平山在臨汾縣西八里平水出焉今山在府城西南二十五里

韓武子元孫貞子居此

韓世家宣子子貞子自州徙居平陽世本作平子亦云

景子

有鐵官莽曰香平

疑當作平鄉

襄陵

在今平陽府城東南四十里太平寰宇記故城在今臨汾縣東南四十里應邵曰襄陵在西北水經注晉襄公陵也在今襄陵縣南十五里有讎氏鄉亭

有讎氏鄉亭

本或作班氏誤也此卻讎之食邑依水經注改卻讎城在今襄陵縣東南二十里松按王校同王氏念孫又曰反而此處無音則所見本已誤為班矣

莽曰幹鼻

彘

在今霍州西三里括地志霍邑縣本漢彘縣

霍大山在東冀州山

山在今霍州東南三十里元和郡縣志在霍邑縣東三十里禹貢之太岳也水經注有岳廟又有靈泉以供祭祀

周厲王所奔莽曰黃城

楊

在今平陽府洪洞縣東南十五里括地志今晉州洪洞縣也太平寰宇記故城在臨汾縣東南十八里武帝本

紀曰楊氏應邵曰楊侯國水經注晉大夫僚安之邑

莽曰有年亭

北屈

在今平陽府吉州西應邵曰有南故有北臣瓚曰汲郡古文翟章救鄭至于南屈太平寰宇記吉鄉縣北二十里故城即漢邑理于此

禹貢壺口山在東南

山在今吉州西南七十里

莽曰朕北

蒲子

在今隰州東北括地志故城在隰川縣北四十五里史

記正義隰川縣蒲邑故城是也太平寰宇記在隰川縣
東北一里應邵曰故蒲阪舊邑武帝置攷此卽重耳所
奔之邑晉獻公稱蒲邊秦屈邊狄者是也韋昭以爲重
耳所居卽蒲阪其誤與應同杜預酈元則不謬矣

絳

今平陽府翼城縣此絳春秋傳所云故絳者是也詩譜
曰穆侯遷於絳孝侯改絳爲翼獻公又名爲絳至景公
遷新田亦稱爲絳由是以翼爲故絳杜預所云新田卽
絳邑縣今曲沃縣括地志元和郡縣志所云在曲沃縣
南二里者並新田也應邵曰絳水出西南故名

晉武公自曲沃徙此

詩譜穆侯徙于絳蓋穆侯先徙都至晉武公自曲沃并
晉仍居之耳

有鐵官

狐讎

在今隰州永和縣西三十五里元和郡縣志在永和縣

西南三十五里建元以來侯者表作瓠讎松按瓠爲瓠

作狐者又瓠
之假借也

騏

太平寰宇記騏邑漢表注稱在北屈舊地書並失所在
今慈州東一百里四十里則今邑是也按慈州卽今吉
州在州東百四十里則地當在鄉甯蒲二縣之交矣

侯國

武帝封駒幾

太原郡

廣雅大鹵太原也穀梁傳中國曰太原夷狄曰大鹵依字原應作遼高平曰遼此字也原者泉原字耳

秦置

莊襄王三年置

有鹽官在晉陽屬并州戶十六萬九千八百六十三口六十八萬四百八十八有家馬官

家馬官即桐馬官也說文解字漢有桐馬官作馬酒百官公卿表武帝更名家馬為桐馬如淳曰主乳馬以韋

革為夾兜受數斗盛馬乳桐居其上把名曰桐馬禮樂志丞相孔光奏省樂官七十二人給太官桐馬酒今涼州亦名馬酪為馬酒臣瓚曰漢有家馬廄一廄萬匹時以邊表有事故來分在此

縣二十一

晉陽

在今太原府太原縣北三里太平寰宇記并州平晉縣

即晉陽城也

閻氏若璩曰秦漢太原郡皆治晉陽縣

故詩唐國

詩譜堯舊都之地堯始居此後徙平陽徐才宗國都城記曰帝堯之裔子所封

周成王滅唐封弟叔虞龍山在西北

山在今太原縣西十里太平寰宇記在平晉縣西十二里山海經水經以為即懸甕山

有鹽官晉水所出東入汾

水經晉水出懸甕山東入于汾今水在太原縣西南

菴人

今代州繁峙縣地括地志故城在繁峙縣界如滔音菴為瓊史記周勃世家有霍人張守節云即菴人也攷春秋傳晉滅偃陽使周內史選其族嗣納諸霍人杜預以為即霍邑知非者志有彘縣屬河東彘即霍邑則不應又別霍人屬太原矣然則杜義為非

界休

今汾州府介休縣後漢書注今介休縣也古字界介同史記晉世家文公環縣上中而封之以為子推田號曰介山水經注以為在此縣也今山在霍州靈石縣東北三十里

莽曰界美

榆次

在今太原府榆次縣北太平寰宇記榆次縣本漢舊縣也

涂水鄉晉大夫知徐吾邑

在今榆次縣西北水經注涂水出陽邑東北大曠山涂

谷春秋傳知徐吾爲涂水大夫
梗陽鄉魏戊邑

在今太原府徐溝縣西括地志元和郡縣志並云故城
在清原縣南百二十步攷京相璠曰今太原晉陽縣南
六十里榆次界有梗陽城今榆次在太原府城東南六
十里清原在府城西南八十里以梗陽爲卽清原中隔
汾河相去似遠當以京相之說爲允也春秋傳魏戊爲
梗陽大夫

莽曰太原亭

中都

在今榆次縣東十五里文帝爲代王都此一說在今介

休縣東北五十里括地志在平遙縣西南十二里元和
郡縣志在平遙縣西十二里太平寰宇記在平遙縣西
四十二里平遙之西南卽介休之東北也

于離

莽曰于合

茲氏

在今汾州府城南十五里太平寰宇記西河縣本漢茲
氏縣通典作慈氏

莽曰茲同

狼孟

在今太原府城北六十里括地志後漢書注並云故城

在陽曲縣東北元和郡縣志東北三十六里

莽曰狼調

鄔

在今介休縣東北二十七里

九澤在北是為昭餘祁并州藪

今日鄔城泊在介休縣東北二十里爾雅作昭余祁余

與餘同

晉大夫司馬彌牟邑

春秋傳司馬彌牟為鄔大夫

孟

今平定州孟縣後漢書注今孟縣元和郡縣志故城在

陽曲縣東北十里太平寰宇記東北八十五里按今孟縣在太原府城東北二百四十里以寰宇記說證之則非今縣矣地志相承以後漢書注為是故用之

晉大夫孟丙邑

春秋傳孟丙為孟大夫

松按孟丙或作孟丙段氏玉裁曰廣韻左傳晉有孟丙則是以以邑為姓魏戊是舒之餘子丙蓋亦亦是魏之餘子故同以十日為名

平陶

在今太原府文水縣西南二十五里元和郡縣志故城

在文水縣西南二十五里

莽曰多穰

汾陽

在今太原府嵐縣西南三十里太平寰宇記嵐州宜芳縣秀容城卽漢汾陽縣城在西南三十里

北山汾水所出

山海經以爲管涔山也在今沂州靜樂縣北一百四十二里淮南子作燕京古燕管字聲相同京涔相轉水經注曰燕京亦管涔之異名也括地志汾水原出靜樂縣北一百三十里管涔山

西南至汾陰入河

今水出管涔山西南流折而南逕靜樂縣北又南折而東南至太原府城西又折而西南逕太原縣東交城縣東南文水縣南汾州府東介休縣西靈石縣西霍州西

趙城縣西洪洞縣西平陽府城西襄陵縣西太平縣東至絳州南折而西逕稷山縣南河津縣南西入于河過郡二行千三百四十里冀州淺過太原河東二郡

京陵

在今汾州府平遙縣東七里元和郡縣志在平遙縣東七里太平寰宇記東北七里水經注于春秋爲九原之地漢興增陵于其下故名

莽曰致城

陽曲

今忻州定襄縣通典漢陽曲縣今定襄縣元和郡縣志

定襄縣理卽陽曲縣太平寰宇記定襄縣本漢陽曲縣
後漢末移于并州太原界仍于此置定襄縣

大陵

在今太原府文水縣東北二十里元和郡縣志故城在
文水縣東北十三里括地志太平寰宇記並云縣北十
三里卽趙肅侯所游之地史記衛綰傳云綰代大陵人
知漢初屬代國

有鐵官莽曰大甯

原平

今代州崞縣地括地志故城在崞縣南三十五里郡國
志屬雁門郡

祁

在今太原府祁縣西七里後漢書注今祁縣也元和郡
縣志故城在祁縣東南十五里太平寰宇記東南五里
漢書音義讀祁爲遲

晉大夫賈辛邑

春秋傳賈辛爲祁大夫

莽曰示

上艾

今平定州太平寰宇記平定縣本漢上艾縣地

縣蔓水東至蒲吾入庫池水

水今出平定州西松嶺東北流至井陘縣界折東南流

遼縣城南至平山縣西北入虜池卽古桃水也今日甘
淘河史記正義縣蔓水一名阜將一名回星

慮虎

在今代州五臺縣南太平寰宇記五臺縣本漢慮虎縣
乾隆三十七年故戶部主事曲阜孔君繼涵以漢銅尺
示余其文作慮虎從人旁虎余以此志證之漢時篆書
多不正此類是也

陽邑

在今太原府太谷縣東十五里元和郡縣志故城在太
谷縣東南十五里

莽曰繁穰

廣武

在今代州西十五里後漢書注故城在代州雁門縣通
典元和郡縣志並云在雁門縣西南
句注賈屋山在北

今句注山在代州西二十里賈屋山在代州東三十里
括地志句注在雁門縣西北四十里賈屋在雁門縣東
北三十五里本句注在河主非也以字形相近而誤服
虔讀句爲拘伏儼讀爲俱包愷讀爲鉤賈屋卽夏屋如
淮陽國陽夏縣應邵如淳音夏爲賈是矣句注淮南子
作句望疑注卽古文汪字古文汪字作汪與注字形亦
相似又汪望聲相同汪注亦以形近而亂也但自古相

承作注未敢擅改王氏念孫曰按後雁門郡下云句注山在陰館而此言在廣武北者漢廣武故城在今代州西十五里陰館故城在朔州東南八十里句注山在陰館之南廣武之北故兩記之史記劉敬傳正義曰廣武故城在句注山南是其證也賈屋山在今代州東北西與句注相連故言句注賈屋山在北

都尉治莽曰信桓

上黨郡秦置屬并州有上黨關壺口關石研關天井關

壺口關在今潞安府城東南十三里天井關在今澤州

府城東南三十里水經注引高誘淮南子注云上黨關

在河內野王縣西北在今澤州府城西南三十里石研

地形志作石井尚書古文疏證曰此殆又一關中矣魏寄氏縣有上黨谷先屬隋氏今屬屯留

則上黨關西關也今吾兒峪元所更名先屬壺關今屬黎城則壺口關東關也研音陘未詳何地而上黨舊轄

沾縣北接井陘亦轄涅氏北通盤陀皆石陘故名則石研關北關也天井關今屬澤州則南關也

戶七萬三千七百九十八口三十三萬七千七百六十六

縣十四

長子

在今潞安府長子縣西太平寰宇記長子漢舊縣也竹

書紀年作尚子聲同通用閻氏若璩曰上黨郡治長子

治長子

周史辛甲所封

文王封之

鹿谷山濁漳水所出東至鄴入清漳

山海經發鳩之山章水出焉水經濁漳水出發鳩山注

鹿谷與發鳩連禁而在南接淮南子作發包山古文鳩

包聲同又說文解字有矧字云讀若鳩矧讀爲鳩是矧鳩同字發包當爲發矧之譌而發矧卽與發鳩無異矣地形志又云廉山廉鹿形近而變稱也今山在長子縣西五十里水出其隄東流逕潞安府城西又東北逕屯留縣東潞城縣西襄垣縣南黎城縣西北又東逕林縣西北至交漳口與清漳會於字漳章同

屯留

在今潞安府屯留縣東南十三里括地志故城在長子縣東北三十里故留吁國也春秋傳作純留

桑欽言絳水出西南東入海

水今出屯留縣西南盤秀山俗稱曰高麗水也東北流

逕縣城北至潞城縣西北安昌鎮入濁漳水經注亦云東入漳按志于信都下云絳水亦入海是古絳漳二水分也後則下亂漳津而漳絳互稱矣桑欽字君長河南人名見儒林傳所謂桑欽地里志者是也俗以爲作水經者非通典云水經和帝以後人所撰王氏念孫曰入海本作入漳後人以信都下有絳水入海之文改之不知彼是班氏之說此是班氏引桑欽說不可強同也水經濁漳水注曰絳水東逕屯留縣故城南東北流入於漳故桑欽云絳水出屯留西南東入漳後又曰地理志云絳水發源屯留下亂漳津則此文本作漳明矣

余吾

在今屯留縣西北十八里上黨記故城在屯留縣西北三十里通典後漢書注同通典作徐吾

銅鞮

在今沁州南四十里括地志故城在銅鞮縣東十五里
太康地記銅鞮晉大夫羊舌赤之邑上黨記城去晉宮
二十里羊舌所邑

有上虜亭下虜聚

水經注上虜亭世謂之斷梁城下虜聚頃城也地形志
長子縣有頃城太平寰宇記斷梁在今縣東北三十里
在沁州東北

沾

在今平定州樂平縣西南三十里元和郡縣志樂平縣
城即漢沾縣城太平寰宇記和順縣亦沾縣地

大夷谷

今日少山在樂平縣西南二十里本或作龜非夷古文
要字

清漳水所出東北至阜成入河

說文解字清漳出沾山大要谷淮南子清漳出楊戾山
亦別異名也今水出樂平縣西少山之大要谷南流逕
和順縣西遼州東北涉縣西南至交漳口而與濁漳會
二漳合流東逕安陽縣北臨漳縣西磁州南成安縣東
南東北流逕廣平縣東南肥鄉縣東曲周縣南邱縣南
威縣南清河縣北故城縣西棗強縣東衡水縣西南武
邑縣西阜城縣西北交河縣東南至滄州西杜林鎮而

銅鞮

在今沁州南四十里括地志故城在銅鞮縣東十五里太康地記銅鞮晉大夫羊舌赤之邑上黨記城去晉宮二十里羊舌所邑

有上虓亭下虓聚

水經注上虓亭世謂之斷梁城下虓聚頃城也地形志長子縣有頃城太平寰宇記斷梁在今縣東北三十里在沁州東北

沾

在今平定州樂平縣西南三十里元和郡縣志樂平縣城即漢沾縣城太平寰宇記和順縣亦沾縣地

大要谷

今日少山在樂平縣西南二十里本或作龜非與古文要字

清漳水所出東北至阜成入河

說文解字清漳出沾山大要谷淮南子清漳出楊戾山亦別異名也今水出樂平縣西少山之大要谷南流逕和順縣西遼州東北涉縣西南至交漳口而與濁漳會二漳合流東逕安陽縣北臨漳縣西磁州南成安縣東南東北流逕廣平縣東南肥鄉縣東曲周縣南邱縣南威縣南清河縣北故城縣西棗強縣東衡水縣西南武邑縣西阜城縣西北交河縣東南至滄州西杜林鎮而

與虜池合志所云入河者入虜池也王氏念孫曰據山海經水經作出沽

少山松按漢志此下云應邵曰沽水出壺關段氏玉裁

曰沽水廣韻集韻皆音店沽縣因水以名縣名亦當都

念切師古音它兼反非也左傳昭十二年釋文沽縣章

昭音玷下云字林它兼反不謂地名也又曰王伯厚言

漳舊入河自定王時河徙而南故漳不入河而自達於

海此特凡度之詞班志與許書皆言入河則漢時未嘗

不入河也全氏祖望曰有沽水因有沽縣有沽城有沽

臺魏書地形志樂平縣有沽城晉書誤為玷城水經注

淇水篇誤為活水玷臺按惟本音玷故聲誤作玷耳

過郡五行千六百八十里冀州川

過上黨魏郡廣平鉅鹿信都五郡

松按段氏數五郡無廣平鉅鹿有清河勃

海

涅氏

在今沁州武鄉縣西七十里後漢書注故城在武鄉縣

西

涅水也

水經注水出覆甌山入漳今水出武鄉縣西南侯甲山

東流入濁漳一名武鄉水也

襄垣

在今潞安府襄垣縣北太平寰宇記襄垣縣漢舊縣也

松按襄垣今志作襄祖宋子京云邵本作垣錢氏蓋依宋校改

莽曰上黨亭

壺關

在今潞安府城東南太平寰宇記潞州城即漢壺關縣

應邵曰黎侯國也今黎亭是說文解字作黎云殷時侯

國在上黨東北商書西伯戡黎攷史記殷本紀作飢周
本紀作者飢者皆黎之別字也又通作黎此國殷時謂
之黎周時謂之潞黎潞一耳其字聲相轉從之而變稱
春秋傳齊國夏伐晉取八邑有孟口孟口卽壺口今府
城東北十三里有壺口山

有羊腸阪

在今潞安府壺關縣東南百六里史記正義羊腸阪在
太行山上南口懷州北口潞州

沾水東至朝歌入淇

說文解字沾水出壺關東入淇水經注沾水出縣東沾
臺下與金谷水合東流注淇疑卽今之壅水也西北自

抱犢三壅紫園三山合淇水

泣氏

在今澤州高平縣北二十里後漢書注故城今高平縣
也

楊谷絕水所出南至壅王入沁

太平御覽引此作泣水蓋泣水卽絕水也山海經有涅
水無泣水涅亦泣字之誤耳卽今之丹河也原出高平
縣西北仙公山南流穿太行曰丹口合白河至懷慶府
城東北入沁

高都

在今澤州府城東三十里括地志後漢書注並云故城

卽澤州也太平寰宇記晉城縣卽漢高都縣
莞谷丹水所出東南入洺水

山海經沁水之東有林焉名曰丹林丹水出焉水經注
引此作入絕水云俗謂之源源水卽今之白河也在澤
州府城南三里東南流合天井關北水入丹水
有天井關

戰國策夏桀之國左天門之險卽此關也元和郡縣志
天井關在晉城縣南四十五里太行山上

潞

在今潞安府潞城縣東北四十里太平寰宇記潞城縣
漢爲潞縣說文解字潞冀州浸上黨記潞濁漳也十三

州志潞縣潞水出焉水經注潞水漳水也

故潞子國

春秋傳晉荀林父所伐者也

隋氏

元和郡縣志冀氏縣本漢隋氏縣地太平寰宇記隋氏
故城在冀氏縣北三十五里按元和志以冀氏爲在晉
州東百九十里則漢故城當在今澤州府沁水縣北境
矣今縣西北四十里有烏領古聲隋烏相近疑其地說
文解字云上黨有隋氏阪郡國志作猗氏猗借字也

陽阿

水經沁水南過穀遠縣東又南過隋氏縣東又南過陽

阿縣東又南出山過沁水縣北穀遠今沁原縣隋氏在
今沁水縣西北沁水在今濟原縣東北則此陽阿當在
今澤州府城之西陽城縣之北矣

穀遠

今沁州沁原縣元和郡縣志故城在沁原縣南百五十
里太平寰宇記作百五十步寰宇記是也

羊頭山世靡谷沁水所出東南至滎陽入河

今水出沁原縣北百里棉山南流逕縣城東屯留縣西
長子縣西沁水縣東陽城縣東折而東又南流逕懷慶
府城北温縣北至武陟縣北澗溝入河曰沁口沁水古
亦曰少水也戰國策曰秦正告韓曰我起乎少曲一日

而斷太行少曲者少水之曲耳說文解字沁水出羊頭

山水經出謁戾山謁戾即世靡于字聲相轉而變王氏念孫

口師古注云今沁水至懷州武陟縣界入河此言至滎
陽疑誤案水經注云沁水至滎陽縣北東入於河即本
地里志則滎陽非誤文又汲水注云丹沁亂流於武德
絕河南入滎陽合汲即此志沁水至滎陽入河之說也
但不當先言至滎陽後言入河耳又案志言沁水過郡
三謂上黨河內河南若僅至武德武德故城在今則有
上黨河內而無河南矣段氏玉裁曰羊頭山即謁戾山
戴氏震曰山在今武鄉縣西百二十里西北接祁縣平
遙縣西南接沁源縣一名麓臺山池西為綿
山其北為介休縣西為靈石縣皆謁戾山也

過郡三行九百七十里

過上黨河內河南也

莽曰穀近

新輯注地里志卷第三終

新輯注地里志卷第四

嘉定錢坫著

大興徐松集釋

河內郡高帝元年為殷國

司馬印國也

二年更名

諸侯王表二年三月屬漢為河內郡

莽曰後隊屬司隸戶二十四萬一千二百四十六口百六

萬七千九十七縣十八

懷

在今懷慶府武陟縣西十一里括地志元和郡縣志並

云在武陟縣西十一里

有工官

貢禹傳三工官如涪說河內懷蜀成都廣漢皆有工官
工官主作漆物者也

莽曰河內

汲

在今衛輝府城西二十五里括地志故城今衛州所理

汲縣

武德

在今武陟縣東二十里元和郡縣志故城在武陟縣東
二十里孟康曰縣始皇東巡置

波

在今懷慶府城西南孟康曰今絺城是也杜預曰絺在
野王西南玉篇同括地志在河內縣西說文解字作鄰
云周邑也絺波聲相近

山陽

在今懷慶府修武縣西北三十五里通典括地志後漢
書注並云在修武縣西北

東太行山在西北

淮南子謂之五行山在今修武縣西北山一耳于此云
東太行者山陽在堊王之東故也

河陽

在今懷慶府孟縣西南三十里太平寰宇記故城在今

縣西北三十五里春秋傳天王狩於河陽徐廣曰魏襄王四年改河陽曰河雍十三州記河陽縣在河上即孟津是也

莽曰河亭

州

在今武陟縣西沁水之南春秋傳晉以州賜鄭公孫段史記韓宣子徙居州即此地

共故國

在今衛輝府輝縣東北九里後漢書注故城在共城縣東孟康曰共伯為周三公者也

北山淇水所出東至黎陽入河

北山今日共山共伯消搖于共山之首即此在今輝縣東北十里說文解字淇水出共北山一曰出隆慮西山海經淇水出沮洳山水經淇水出隆慮大號山淮南子淇出大號注大號山在河內共縣北或曰在隆慮西今大號山亦曰隆慮山在彰德府林縣西北二十五里蓋淇水有二原也今水出澤州府陵川縣東北曰浙水又東北合壅水即壺關之沾水也又東南逕林縣南淇縣西北而合百泉水詩所謂淇泉也淇泉出輝縣北蘇門山即所謂北山也南流入淇又東南曰衛河東逕滑縣西濬縣西又東北逕湯陰縣東彰德府城東內黃縣西北大名縣南南樂縣北大名府城東北冠縣西館陶

縣西至臨清州而與運河會北至天津府入海黎陽今濬縣古淇水于此入河不與今同耳

平皋

在今懷慶府城東括地志故城在武德縣東二十里通典後漢書注太平寰宇記並云西杜預以此為邢邱也韓詩外傳武王伐紂到邢邱更名邢邱曰懷春秋傳晉侯送女於邢邱皆指其地若懷縣之懷則尚書有覃懷之稱矣非武王加之也

朝歌

在今衛輝府濬縣西南七十里後漢書注故城在衛縣西太平寰宇記西二十二里司馬印都此

紂所都周武王弟康叔所封更名衛莽曰雅歌

修武

今懷慶府修武縣太平寰宇記修武即漢縣韓詩外傳武王勒兵于甯更名甯曰修武即此地也十道志修武本甯邑晉灼曰有小修武在大修武東今小修武在縣東南十五里徐廣曰河內修武古曰南陽秦始皇更名臣瓚曰秦未兼天下已有修武之名非始皇所起攷高誘曰南陽晉山陽河北之邑河內温陽樊之屬皆是是非定指修武言之矣

温

在今懷慶府温縣西南三十里括地志太平寰宇記並

云在温縣西南三十里

故國已姓蘇忿生所封

顓頊裔孫吳回生陸終陸終生昆吾為己姓昆吾之子封於蘇其後忿生為周司寇故蘇為己姓

壁王

今懷慶府城後漢書注在武德縣北史記正義今河內縣孟康曰故邗國今邗亭攷史記殷本紀九侯鄂侯徐廣曰鄂一作邗河內壁王縣有邗城是邗即紂三公鄂侯之國矣古字邗鄂聲相同通用也說文解字邗讀若區京相璠曰故邗城在今縣西北三十里在今府城西北三十里閻氏若璠曰水經注云漢高帝元年為殷國二年為河內郡治壁王縣是河內治壁王之

證水經注又言故河內郡治懷蓋謂東漢時

太行山在西北

在今懷慶府城北二十里

衛元君為秦所奪自濮陽徙此

史記衛世家秦初置東郡更徙衛壁王縣

葬曰平壁

獲嘉

在今衛輝府新鄉縣西南十二里元和郡縣志故城在

新鄉縣西南十里

故汲之新中鄉武帝行過更名也

武帝元鼎六年得南越王相呂嘉首更名

輒

在今懷慶府濟原縣東南十三里括地志後漢書注並

云在濟原縣東南史記正義南三十里太平寰宇記東

南十三里韋昭讀輒為紙松按太行山八陘第一曰

沁水

在今濟原縣東北沁水之南

隆慮

今彰德府林縣後漢書注史記正義並云相州林慮縣

也應邵曰隆慮山在北辟殤帝諱改曰林慮

洹水東北至信成入張甲河

舊本洹字誤作國今攷水經注改正水經洹水出上黨

泚氏縣東過隆慮縣北又東北出山過鄴縣南東過內

黃縣入白溝又云淇水過內黃縣為白溝東北過廣宗

縣為清河注屯氏別河故瀆又東北逕信成縣張甲河

出焉又云清河又東北與張甲屯絳故瀆合或異者亦

互受通稱也今洹水出漳德府城西南山中逕府城北

南流入衛河一名安陽河也

過郡三行千八百四十里

過河內魏清河三郡

有鐵官

蕩陰

今彰德府湯陰縣後漢書注今相州縣元和郡縣志安

陽本七國時甯新中邑秦昭襄王拔之改名安陽漢初廢以其地屬蕩陰縣

蕩水東至內黃澤

說文解字蕩水出蕩陰縣東入黃澤水經蕩水出蕩陰縣西山東北至內黃縣入黃澤此應亦云東至內黃入黃澤疑脫二字也今蕩水出蕩陰縣西率山至內黃縣界入衛河黃澤在今內黃縣西北五里松按王氏念孫亦曰內黃下脫入黃二字

西山美水所出亦至內黃入蕩

今美水出蕩陰縣西北鶴山流逕美城入于蕩水

有美里城西伯所拘也

美里在今蕩陰縣北七里後漢書注美里在蕩陰縣北太平寰宇記縣北九里韋昭音美為牖說文解字文王拘美里在蕩陰

河南郡故秦三川郡高帝更名

莊襄王元年置韋昭曰有河雒伊故曰三川秦有三川守李由李斯子閻氏若璩曰河南郡在秦為三川郡治滎陽縣故李由為三川守守滎陽宋白以為是時治此至漢改為河南郡治雒陽又曰河南郡之治雒陽以伍被及賈誼及酷吏游俠傳知之雒陽戶五萬二千八百三十九莽曰保忠信鄉

王莽傳更名河南大尹曰保忠信卿依義當為卿錢氏大斯曰縣邑有戶口數者京兆之長安馮翊之長陵扶風之茂陵河南之雒陽潁川之陽翟僑陵南陽之宛蜀郡之成都魯國之魯楚國之彭城凡十縣惟雒陽注於郡名之下松按王校同

屬司隸也戶二十七萬六千四百四十四口一百七十四萬二百七十九有鐵官工官敖倉在滎陽

在今開封府滎陽縣北五十里後漢書注在滎陽縣西北太平寰宇記在滎澤縣西十五里書仲丁遷于囂史記作傲皇甫謐曰河南敖倉是臣瓚曰敖倉在滎陽西北山上臨河大倉是也攷詩薄狩于敖卽此是敖正字囂通字傲別字

縣二十二

雒陽

在今河南府城東北二十里括地志在洛陽縣東北二十六里元和郡縣志東二十里摯虞曰古之周南今之

洛陽也

周公遷殷民是爲成周春秋昭公二十二年晉合諸侯于狄泉

在故洛陽城中司馬彪曰狄泉在城中水經注以爲卽

南池南北百一十步東西七十步洛陽伽藍記狄泉周

回三里王氏念孫曰二十二年當作三十二年

以其地大成周之城居敬王葬曰宜陽

滎陽

在今開封府滎陽縣西元和郡縣志滎陽本漢舊縣括地志故城在滎陽縣西南十七里太平寰宇記西二十里書滎播旣都鄭康成注滎沈水溢出所爲澤也今塞

為平地滎陽人猶謂其處為滎澤在其縣東按澤在今滎澤縣南也

松按韓勅修孔廟後碑作滎陽

卞水

水經注以卞水為卽晉楚戰于邲之邲攷書滎播既都古文作滎波呂忱曰播水在滎陽以說文解字證之則應作潘字也播波皆借字耳古聲潘播相同潘波相轉故並得通用卞為弁字之俗潘弁亦聲之同卞邲又聲之轉舊卞水出今滎陽縣南大周山合京索等水至中牟縣入河今引為賈魯河從開封別出東南由尉氏扶溝西華諸縣入沙水矣

馮池

水經注以馮池為卽李澤世謂之礫石澗在今滎陽縣北敖山之南

皆在西南有狼湯渠首受濟東南至陳入潁

水經渠出滎陽北河東南過中牟縣北東至浚儀縣屈南至扶溝縣北其一者東南過陳縣北新陽縣北山桑縣北龍亢縣南義成縣西南入于淮注渠水自河與濟亂流東逕滎澤北于浚儀有陰溝鴻溝之稱于開封曰沙水也水經又云陰溝水出河南陽武縣蒗蒗渠東南至沛為澗水至下邳淮陵縣入于淮注蒗蒗渠故瀆兼陰溝浚儀之稱陰溝始亂蒗蒗終別于沙而澗水出焉水經又云汜水出陰溝浚儀縣北東至蒙縣為獲水水

東至彭城縣北入于泗注汴水至考成縣故城南爲留
獲渠志于淮陽國扶溝縣下云過水首受狼湯渠東至
向入淮于梁國蒙縣下云獲水首受留獲渠東北至彭
城入泗合而考之是過獲二水雖同出狼湯而渠水乃
狼湯之正身也經云入淮志云入潁則稍異然潁水亦
入淮亦互受通稱耳今沙水上原爲賈魯河所亂無從
證據下流則稍存舊蹟焉今上原曰滎陽水出縣南境
諸山引流成渠有京河索河于滎澤縣南合流逕鄭州
北又合南來之東京河磨河曰小賈魯河又東南逕中
牟縣北曰賈魯河東南至開封府城西南朱仙鎮西折
南流逕通許縣西尉氏縣東折東南流逕扶溝縣北合

雙泊河古之洧水也又東南逕西華縣北至周家口西
南合于沙水志云至陳入潁者潁水卽沙水也今沙水
在周家口西南商水縣北合潁蓋潁旣會沙則沙潁一
稱矣故自下今皆稱之曰沙水古皆稱之曰潁水也
過郡四行七百八十里

河南陳留淮陽汝南四郡

偃師

今河南府偃師縣郡國志作偃師攷後漢時凡碑刻偃
師字皆如此漢官典職曰偃師去雒四十五里曹大家
東征賦注縣在雒陽東三十里

尸鄉殷湯所都

在今偃師縣南皇甫謐曰尸鄉在縣西二十里史記正義在縣西南五十里春秋傳曰尸氏也晉太康地記曰尸鄉南有亳阪西亳也括地志穀孰縣西南三十里有南亳宋州北五十里大蒙城爲景亳偃師爲西亳此三亳之分也松按湯都自在南亳皇甫士安駁此志甚詳錢氏不引以正之非也

莽曰師氏

本或作師成誤刻也

京

在今滎陽縣東南二十里後漢書注在滎陽縣東南太平寰宇記在縣南二十里鄭共叔段所封邑所謂京索也應邵曰京有大索小索亭寰宇記今滎陽縣理卽大

索城小索在縣東北四里晉灼讀索爲柵

平陰

在今河南府城北五十里後漢書注故城在洛陽縣東北括地志在縣東北五十里通典在縣北五十里十三州志縣在平津大河之間平津卽平陰津史記曹參世家云河津矣

中牟

今開封府中牟縣後漢書注今中牟縣

圃田澤在西豫州藪

澤在今中牟縣西北七里元和郡縣志在管城縣東三里太平寰宇記在中牟縣西北七里其澤東西五十里

南北二十六里春秋傳云原圃也爾雅十藪鄭有圃田
詩東有甫草鄭康成注甫田之草是古圃甫字通
有筦叔邑

在今開封府鄭州北二里括地志鄭州管城縣外城古
管國城也周武王弟叔所封古字作管筦別字

王氏念孫曰此當作有筦城故筦叔邑續漢書郡國志曰中牟有管城
宣十二年左傳次于管杜注曰樊陽京縣東北有管城
正義引土地名曰古管國也水經渠水注曰不家溝水
東北逕管城西故管國也周武王以封管叔矣皆本地
志理

趙獻侯自耿徙此

春秋傳晉衛鞅伐衛圍中牟論語佛肸以中牟叛晏子
春秋晏子之晉至中牟水經注魏徙大梁趙以中牟易

魏中牟始為衛地繼為晉所取三卿分晉屬之趙則非
此中牟也臣瓚曰中牟當在漯水之上按今彰德府湯
陰縣西五十里有牟山獻侯所徙或其處與此中牟南
北相隔幾六百里非也此七字疑為後人所加松按經
之中牟皆趙之中牟所謂河北之中牟也至此志之縣
則鄭之中牟所謂河南之中牟而名未見於經傳洪氏
亮吉有論中牟
書辨之甚詳

平

在今河南府鞏縣西北水經注平縣俗謂之小平也通
典小平縣城在鞏縣西北太平寰宇記在鞏縣西北有
河津曰小平津即城之隅也

莽曰河平

本或作治平

陽武

今懷慶府陽武縣後漢書注今鄭州縣也元和郡縣志陽武縣西南至鄭州百里

有博狼沙

在今陽武縣東南十五里服虔曰陽武南地名也今有亭元和郡縣志在陽武縣南五里太平寰宇記在縣東南五里史記始皇本紀作博浪沙

莽曰陽桓

河南

在今河南府城西北二十里漢河南縣在伊水之北洛

水之南雒陽縣在洛水之北括地志故城在河南縣北

九里

故郊鄔地

說文解字郊鄔河南縣直城門官陌地也皇甫謐曰城西有郊鄔陌京相璠曰郊山名鄔地名博物記王城南望洛水北至郊山今郊山在府城北三里亦曰邱山周武王遷九鼎周公致太平營以為都是為王城至平王居之

博物記王城方七百二十丈郡方一十里司馬彪曰春秋時謂之王城

緱氏

在今偃師縣南四十五里括地志太平寰宇記並云在
緱氏縣東南二十五里今偃師縣南二十里有緱氏故
縣者乃括地志所據之縣非漢縣也遁甲圖有緱氏山
十三州志云縣以山名也一名轅轅爲九十二曲薛綜
東京賦注云轅轅阪十二曲道將去復還故名臣瓚曰
轅轅險道名在緱氏東南按今緱氏山在偃師縣東南
四十里轅轅山在鞏縣西南七十里本聯屬之山故亦
以轅轅爲卽緱氏山也

劉聚周大夫劉子邑

在今偃師縣南故緱氏城之西北括地志劉累故城在
緱氏縣南五十五里說非也是周大夫劉子非劉累耳

有延壽城

在今偃師縣南太平寰宇記靈星隴卽延壽城嵩山記
曰此隴道士浮邱公接王子晉登仙之所也

仙人祠

水經注緱氏原上有王子晉祠

莽曰中亭

卷

在今懷慶府原武縣北七里通典故城在原武縣東括
地志在西北卽衡雍史記秦本紀作垣雍水經注濟隨
上承河水逕卷縣故城東又南逕衡雍城西則卷在西
北衡雍在東南

原武

在今懷慶府原武縣西通典故城在今縣西後漢書注
在西北

莽曰原桓

鞏

在今河南府鞏縣西南三十里後漢書注今鞏縣也

東周所居

郭緣生述征記鞏縣周鞏伯邑東周惠公居于此世本
西周桓公揭居河南東周惠公班居洛陽非也

穀成

在今河南府城西北十八里通典故城在河南縣西北

括地志在西北十八里苑中水經注城西臨穀水故縣
取名焉

禹貢瀍水出晉亭北東南入雒

水經瀍水出晉亭北梓澤中東與千金渠合今水出河
南府城北穀成山東流至偃師縣入洛淮南子作塵水
博物志作潛亭古字通也

故市

在今開封府鄭州西北元和郡縣志在管城縣西北三
十里余所得漢時故市馬丞印卽此是也功臣表或作
敬市者非

密故國

在今開封府密縣東七十里後漢書注故城在密縣東南太平寰宇記東南三十里姬姓國也國語有密康公有大駝山澗水所出南至臨潁入潁

水經注作具茨山司馬彪莊子注作具茨山云在密東今在開封府新鄭縣西四十里說文解字澗水出密縣大駝山入潁又有澗水出密縣東入潁古今地書密縣只有澗水無澗水覆出者誤也水今出大駝山一名魯固河一名清流河東南逕長葛縣西入潁

新成惠帝四年置

在今河南府城南七十五里括地志伊闕縣也段氏玉裁曰新

成水經注郡國志皆作新城

蠻中故戎蠻子國

在今汝州城西南春秋傳蠻氏是也水經注云鄆聚古字通郡國志鄆聚古鄆氏今名蠻中

開封

在今開封府城西十五里通典後漢書注並云故城在浚儀縣南太平寰宇記在開封縣西十五里是漢理所逢池在東北或曰宋之逢澤也

在今開封府城東北括地志在浚儀縣東南元和郡縣志太平寰宇記並云在開封縣東北十四里水經注渠水逕開封縣睢渙二水出焉右則新溝水注之其水出逢池池上承役水于苑陵縣別為魯溝水東南流逕開

封縣故城北魯溝南際富城東南入百尺陂即古之逢澤也其水東北流為新溝按澤唐元宗改為福原池禁民漁採

成皋故虎牢或曰制

在今開封府汜水縣西一里大伾山上水經注成皋故城在伾山上史記正義元和郡縣志並云在汜水縣東南二里後漢書注今汜水縣是東虢也禹貢東至于大伾張晏曰成皋縣山

苑陵

在今新鄭縣東北三十八里括地志故城在新鄭縣東北三十八里太平寰宇記在東北三十里郡國志作苑

陵春秋正義引作宛陵苑宛古字通苑俗字

莽曰左亭

梁

在今汝州東括地志在梁縣西四十里太平寰宇記漢理在汝水之南郡國志故國伯翳後水經注于戰國為南梁

兪狐聚秦滅西周遷其君于此

在今汝州西北括地志汝州故梁城即兪狐聚也徐廣讀兪為憚

陽人聚秦滅東周遷其君于此

在今汝州西括地志在梁縣西後漢書注同徐廣曰兩

聚相近在洛陽南百五十里梁新成之間

新鄭

今開封府新鄭縣杜預曰鄭在宛陵縣西南

詩鄭國鄭桓公之子武公所國後為韓所滅韓自平陽徙都之

史記韓世家哀侯二年滅鄭徙都之戰國時魏徙于梁稱魏亦稱梁韓徙于鄭稱韓亦稱鄭趙兼有代亦稱為代楚本荆蠻亦稱為荆史記趙世家代地大動自樂徐以西北至平陰樂徐平陰非代地而亦曰代秦始皇本紀王剪虜荆王荆將項燕立昌平君為荆王楚未改國號而曰荆是也

東郡秦置

始皇五年置

莽曰治亭屬兗州戶四十萬一千二百九十七口百六十五萬九千二十八縣二十二

松按二十二段
校作二十三

濮陽

在今大名府開州西南二十里後漢書注今濮陽縣括地志故城在濮州西八十六里說文解字濮水出東郡濮陽郡國志古昆吾國春秋時曰濮閻氏若璩曰東郡治濮陽以至尊及程方進傳知之又曰秦時已治濮陽松按水經注瓠子河在縣北十里括地志云決河在鄆城以南濮陽以北廣百步深五丈漢龍淵宮宣房宮皆在此縣

衛成公自楚邱徙此

魯僖公三十一年也楚邱在今衛輝府滑縣東六十里

故帝邱

元和郡縣志帝邱今濮陽縣也

顓頊墟

皇覽顓頊冢在東郡濮陽頓邱城門外廣陽里中在今

衛輝府濬縣西北

莽曰治亭

松按東郡下已言莽曰治亭不應縣與同名二者疑有一誤

畔觀

今曹州府觀城縣太平寰宇記今觀城縣應邵曰夏有

觀扈郡國志地形志並云漢曰觀地形志又云聊城有

畔城

松按段校分畔觀為二縣考見經韻樓集松按翟方進傳翟義為東郡太守斬觀令文穎曰觀縣名

莽曰觀治

聊城

在今東昌府城西十五里括地志故城在聊城縣西京

相璠曰縣東北三十里有故攝城所謂聊攝是也

頓邱

在今大名府清豐縣西南二十五里後漢書注故城在

頓邱縣北闕駟曰頓邱在淇水南

松按元光三年河徙從頓邱東南

莽曰順邱

發干

在今東昌府堂邑縣西南五十里後漢書注故城在堂邑縣西南括地志西南二十三里太平寰宇記同元和郡縣志在西北二十七里似誤

莽曰戢楯

范

在今曹州府范縣東南二十五里太平寰宇記范漢書

縣王氏念孫曰景祐本范作範此古字之僅存者范式碑額篆文亦作范

莽曰建睦

荏平

在今東昌府城東五十里後漢書注故城在聊城縣東元和郡縣志縣東五十三里應邵曰在荏山之平地今

山在府城東五十三里

莽曰功崇

東武陽

在今東昌府莘縣東南通典故城在莘縣南後漢書注同太平寰宇記朝城縣漢東武陽縣也武陽臺在縣西南一里應邵曰在武水之陽水經注武水戴延之謂之武水

禹貢漯水東北至千乘入海

說文解字作濕濕水字應如此古燥濕字作溼漯水字作濕不同今借濕作溼而別漯以為水名非也水自漢後其流已絕今朝城縣南有大阪曰漯河陂當是舊址

水經注漯水上承河水于武陽縣東南西北逕武陽新城東引水自東門石竇北注于堂池水而阪塹于城東北合爲一瀆東北出郭逕陽平縣之岡城西又北絕莘道縣之西北又東北逕樂平縣東北逕聊城縣西又東北逕清河縣北博平縣南援縣西高唐縣東潔陰縣北著縣南東朝陽縣南鄒平縣北建信縣北又東北逕千乘縣二城間東北爲馬常坑亂河枝流入于海陽平今莘縣岡成在莘縣西南莘道在莘縣西樂平今堂邑縣地聊城今聊城縣地清河今清平縣地博平今博平縣地援今禹城縣地高唐今禹城縣地潔陰今臨邑縣地著今濟陽縣地東朝陽今章邱縣地鄒平今鄒平縣地

建信今高苑縣地千乘今高苑縣地自濟陽以下今爲大清河入海之道蓋卽漯水下流舊徑耳

過郡三行千二百里

三當爲五過東郡清河平原濟陽千乘五郡

平原千乘三郡

莽曰武昌

博平

在今東昌府博平縣西北三十里通典後漢書注並云故城在博平縣東

莽曰加睦

黎

水經注昔黎侯寓于衛詩所謂胡爲乎泥中毛云泥中
邑名疑此城也按泥中在今大名府開州南今又有黎
陽山在濬縣西濬縣之西卽開州之東是黎當在其處
矣

莽曰黎治

清

在今東昌府堂邑縣東南三十里太平寰宇記故城在
堂邑縣東南二十七里應邵曰章帝更名樂平按霍山
封樂平侯屬東郡是舊有其名非自章帝始矣

莽曰清治

東阿

在今泰安府東阿縣西南後漢書注今東阿縣括地志
在東阿縣西南二十五里元和郡縣志在西十二里

都尉治

離狐

在今曹州府城西四十里元和郡縣志南華縣本漢離
狐縣也舊傳初置縣在濮水南常爲神狐所穿穴遂移
水北故曰離狐太平寰宇記故城在南華縣西北三十
三里地形志作離狐

莽曰瑞狐

臨邑

在今東昌府茌平縣東通典故城在盧縣東後漢書注

在今濟州東亦名馬坊城太平寰宇記在盧縣東馬坊城是也

有沛廟

宣帝置

莽曰穀城亭

利苗

須昌

在今泰安府東平州東南三十里元和郡縣志故城在

須昌縣東南三十三里

故須句國太昊後風姓

京相璠曰須句一國兩城二名蓋遷都須昌句是其本

松按句是其本疑當作須句是其本國

壽良

在今泰安府壽張縣西南五十里郡國志壽張春秋曰

良漢曰壽良應邵曰世祖父叔名良改曰壽張述征記

縣南有良山服虔曰此山也今山在壽張縣南七十里

王子侯表又作壽梁

蚩尤祠在西北沛上

宣帝置郊祀志兵主祠蚩尤在東平陸監鄉皇覽蚩尤

冢在東平郡壽張縣闕鄉城中今蚩尤冢在兗州府汶

上縣西南三十里南旺湖中祠亦當在其地也于字監

闕通用

有胸城

胸即須句之句也在今東平州西

樂昌

在今大名府南樂縣西北三十五里太平寰宇記南樂縣也通典元和郡縣志及寰宇記並作昌樂

陽平

今東昌府莘縣後漢書注今莘縣也

白馬

在今衛輝府滑縣東後漢書注今白馬縣也元和郡縣志故城在白馬縣東北五里即曹邑也太平寰宇記左傳立戴公以廬于曹西征記云白馬者即衛之曹邑古

有神白馬因以名縣開山圖曰白馬羣行山上悲鳴則

河決馳走則山奔今白馬山在滑縣東北三十五里

漢之河決始于孝文十二年之決酸棗其地屬陳留而東郡太守王尊請以身填金堤者以東潰金堤在白馬界也成帝建始四年又決金堤又按山奔字疑誤

南燕

在今衛輝府延津縣北括地志後漢書注並云今胙城縣也按今胙城并入延津縣春秋左傳正義引此無南

字郡國志亦無然則南字衍也

段氏玉裁曰水經注濟水篇曰濮渠又東北逕燕城南無南字下云故南燕姑姓之國也有北燕故以燕氏此引班語而釋之云有北燕國故此為南燕國非謂有北燕縣故此為南燕縣也後人因班自註語於縣名大字上加南字失之遠矣王氏念孫曰此衍南字國有南北燕縣無南北燕通典及元和志皆作南燕縣是李杜所見本已訛

南燕國姑姓黃帝後

廩邱

在今曹州府范縣南通典後漢書注並云故城在雷澤

縣北

陳留郡武帝元狩元年置

本濟川國梁孝王子桓邑侯明所封也建元三年廢後

改爲郡

錢氏大昕曰陳留故梁地景帝分置濟川國都濟陽國除爲郡武帝始更名

屬兗州戶二十九萬六千二百八十四口一百五十萬九千五十縣十七

陳留

在今開封府陳留縣北二十里後漢書注故城在雍邱

縣南孟康曰留鄭邑後爲陳所并故曰陳留臣瓚曰宋

亦有留彭城留是也此留屬陳故稱陳留

魯渠水首受狼湯渠東至陽夏入渦渠

水經注沙水又東南逕牛首鄉魯溝水出焉亦謂之宋

溝也又逕陳留縣南圍縣北陽夏縣西入南渦今無水

圍今杞縣地陽夏今太康縣地是水之故道也

小黃

在今陳留縣東北三十里通典後漢書注並云故城在

陳留縣東北太平寰宇記東北三十三里

成安

在今衛輝府考城縣西水經注阪水逕外黃縣南又逕

利望亭南故成安也又逕考城縣南

寧陵

今歸德府寧陵縣後漢書注今寧陵縣也史記魏豹傳魏咎為甯陵君功臣表甯陵侯呂臣皆卽此甯甯古字通

葬曰康善

雍邱

今開封府杞縣

故杞國也周武王封禹後東樓公先春秋時徙魯東北二十一世簡公為楚所滅先春秋時杞已改國號為州都淳于矣僖公十四年又

城緣陵而遷杞史記杞世家自東樓公至簡公十九世唯共公子德公徐廣曰世本云惠公春秋傳又有成公是惠公之子世家無之亦但有二十世也不合

酸棗

在今衛輝府延津縣東北括地志在酸棗縣北十五里太平寰宇記在縣西南十五里後漢書注今滑州縣也水經注云縣有酸水園稱云豫章以樹氏郡酸棗以棘名邦

東昏

在今開封府蘭陽縣東北二十五里通典後漢書注並云在陳留縣東北史記正義元和郡縣志並云東北九

十里太平寰宇記在東明縣西北以陽武戶牖鄉置蔡邕陳留東昏庫上里社碑云惟斯庫里古陽武之牖鄉攷戶庫同聲戶牖即庫上也

莽曰東明

襄邑

在今歸德府睢州東後漢書注今縣在宋州西圖稱曰宋地本承匡襄陵鄉宋襄公所葬故曰襄陵秦始皇以承匡卑溼徙縣于襄陵謂之襄邑縣西三十里有承匡城

有服官

陳留記襄邑渙水出其南睢水逕其北睢渙之間有文

章故于此置服官

莽曰襄平

外黃

在今杞縣東北六十里通典後漢書注並云故城在雍邱縣東元和郡縣志在東六十里張晏曰魏郡有內黃故加外臣瓚曰以黃濬氏縣

都尉治

封邱

今衛輝府封邱縣後漢書注故城今封邱縣也古封父之國

濮渠水首受洙東北至都關入羊里水

水經瓠子河出東郡濮陽縣北河東至句陽縣為新溝
又東北過廩邱縣為濮水又北過范縣為濟渠注瓠子
北有都關縣故城縣有羊里亭瓠河逕其南為羊里水
首受沛北沛也

過郡三行六百三十里

東郡濟陰山陽也

長羅

在今大名府長垣縣東北四十里通典後漢書注並云
在匡城縣東北太平寰宇記東北四十里

侯國

宣帝本始四年封後將軍常惠

莽曰惠澤

尉氏

今開封府尉氏縣後漢書注今汴州縣也臣瓚曰鄭大
夫尉氏之邑

僞

在今歸德府柘城縣北三十里元和郡縣志在甯陵縣
南五十三里郡國志作僞水經注作鄆

莽曰順通

長垣

在今長垣縣西南三十五里通典故城在匡城縣南元
和郡縣志在封邱縣北二十里水經注故首垣秦更從

今名圈稱曰縣有防垣故氏之閻氏若璩曰元和志長垣故城一名倉垣城在

汴北開封縣北二十里漢陳留太守所理是陳留郡治

長垣之證又曰元和志又言陳留郡治陳留是自相抵

處悟
莽曰長固

平邱

在今陳留縣西北五十里太平寰宇記故城在陳留縣

西北九十里春秋時衛地同盟之所也

濟陽

在今曹州府曹縣西南六十里通典後漢書注並云故

城在冤句縣西南濟川王都此

莽曰濟前

浚儀

在今開封府城西北帝王世紀禹辟商均浚儀晉地道

記曰儀封人此縣也陳留風俗傳曰縣北有浚水像而

儀之故曰浚儀輿地記曰夷門之下新里之東浚水之

北象而儀之以為邑名

故大梁魏惠王自安邑徙此

惠王三十一年徙也郡國志浚儀故大梁史記張耳傳

耳大梁人也

雖水首受狼湯渠東至取慮入泗

水經雖水出梁郡鄆縣東過睢陽縣南相縣南屈從城

北東流當蕭縣南入于陂注水出陳留縣西狼湯渠經

言出鄆非矣東逕雍邱縣北襄邑縣北甯陵縣南睢陽縣南穀孰縣北栗縣北太邱縣北芒縣北相縣南彭城郡之靈壁東取慮縣北下鄉縣南東南流入于泗謂之睢口經止蕭縣非也今睢水自碭山縣南東南流逕蕭縣西曰龍溝河又東南逕徐州府城北靈壁縣北睢甯縣南又東南百里入洪澤湖

過郡四行千三百六十里

過陳留梁國沛臨淮四郡

潁川郡秦置

始皇十七年置

高祖五年為韓國

封韓王信也

六年復故

信徙太原

莽曰左隊陽翟有工官屬豫州戶四十三萬二千四百九十一口二百二十一萬九百七十三縣二十陽翟

今開封府禹州後漢書注今洛州縣也韓王信都

曰潁川郡先書陽翟縣縣古為韓都今為郡治又曰秦之潁川即治陽翟

夏禹國

徐廣曰夏居河南初在陽城後居陽翟

周末韓景侯自新鄭徙此

史記韓世家貞子徙平陽哀侯徙新鄭不言景侯徙陽翟且哀侯在景侯之後與自鄭徙陽翟之說亦不符戶四萬一千六百五十口十萬九千莽曰潁川

昆陽

在今南陽府葉縣北後漢書注故城在葉縣北括地志元和郡縣志並云在葉縣北二十五里應邵曰昆水出昆陽今水于葉縣北入沙河

潁陽

在今許州西後漢書注故城在許州西應邵曰在潁水之陽

定陵

在今南陽府舞陽縣東北澠水之南水經澠水過潁川定陵縣西北入汝

有東不羹

在今舞陽縣北

莽曰定城

長社

今許州長葛縣括地志故城在長社縣西後漢書注在長葛縣西元和郡縣志西一里應邵曰宋人圍長葛是也其社中樹暴長更名長社

新汲

在今陳州府扶溝縣西後漢書注太平寰宇記並云在

扶溝縣西關駟曰本汲鄉也宣帝神雀二年置河內有汲故加新

襄城

今許州襄城縣史記正義今許州縣也京相璠曰周襄王居之故名春秋傳襄王出居于汜此地也水經注襄城南對汜城

有西不羹

今襄城縣東堯城保是括地志在襄城縣東三十里

莽曰相城

郟

在今許州郟城縣南五里後漢書注今豫州郟城縣括

郟

地志故城在縣南五里後漢分此立襄信縣

今汝州郟縣後漢書注史記正義並云今郟城縣也後漢書臧宮傳作頰春秋昭公十九年城之

舞陽

在今舞陽縣西南括地志故城在葉縣東十里者非也應邵曰舞水出南說文解字作濰云水出南陽舞陰東入潁

潁陰

水經潁水東南過潁陽縣西又過潁陰縣西南又過臨潁縣南又過滎強縣北又過西華縣北則縣當在今臨

穎縣之北西華縣之西矣括地志史記正義太平寰宇
記並云在南頓縣西北者似非
密高

在今河南府登封縣北

武帝置以奉太室山是爲中岳

元封十年置也中岳在今登封縣北十里封禪書令祠
官加增太室祠以山戶凡三百封密高爲之奉邑密古
崇字說文解字無嵩崧二字

有太室少室山廟

戴延之西征記東爲太室西爲少室相去十七里名密
高水經注合而言之爲密高分而言之爲二室西南爲

少室東北爲太室

古文以密高爲外方山也

詩譜外方之山卽密也

許

在今許州南括地志在許昌縣南三十里元和郡縣志
南四十里說文解字作麤史記鄭世家作鄒是用古字
故國姜姓四岳後太叔所封二十四世爲楚所滅

孔穎達春秋傳正義引作文叔杜預譜云許四岳伯夷
之後也周武王封其苗裔文叔于許則作文叔是也太
字誤

僞陵

在今開封府鄆陵縣西北十八里括地志元和郡縣志
史記正義並云故城在鄆陵縣西北十五里太平寰宇
記西北十八里郡國志作陽陵司馬彪杜預並以爲卽
鄭共叔段所保之地惟趙匡以爲非也李奇曰六國時
爲安陵攷春秋傳楚恭王與晉厲公戰于陽陵淮南子
作陰陵疑卽此矣古字鄆陰通用松按謂克段及晉楚
戰皆此鄆陵者元和
志之說也東海公亟賞之載于一統志中至趙匡之說
則以鄆爲鄆之誤地在緱氏西南閭百詩甚稱之然則
克段者爲緱氏之鄆晉楚遇者爲此志
之僞陵要皆與陳留郡之僞無涉耳

左亭

臨穎

在今許州臨穎縣西北十五里

莽曰監穎

父城

在今汝州寶豐縣西北今父城保是也括地志故城在

魯山縣東三十里元和郡縣志在郟城縣東南四十里

應鄉故國周武王弟所封

在今汝州魯山縣東三十里括地志故應城在魯山縣

東三十里

成安

在今汝州東二十里括地志故城在梁縣東二十二里

侯表于成安侯韓延年下云屬郟是地分郟縣置

侯國

昭帝元鳳三年封郭忠
周承休侯國元帝置

今汝州城是也括地志元和郡縣志並云故城在梁縣
東北二十六里通典在梁縣東元帝初元五年以周子
南君為周承休侯

元始四年更為邠公

舊本作鄭公誤也元始四年舊作二年亦非平帝紀四
年改周承休公曰鄭公亦誤說文解字邠潁川縣後漢
書黃瓊傳潁川有周承休侯國元始更名曰邠因其地
有邠鄉是矣侯以成帝綏和元年進為公

松按邠今志作鄭段氏引

莽曰嘉美

陽城

在今登封縣東南二十八里通典告成縣漢陽城縣也

陽城山

在今登封縣北三十八里

洧水所出東南至長平入潁

水經洧水出密縣西南馬領山東過鄭縣南東南過長
社縣北新汲縣東北入于潁注水出潁川陽城山山在
縣之東北蓋馬領之統目焉案密縣之西南即陽城之
東北洧水今日雙泊河原出密縣南山東南流逕禹州

趙曰元始二年更名曰邠漢黃瓊
袁紹皆封邠鄉侯鄭是邠之誤

北新鄭縣東長葛縣西北鄆陵縣北扶溝縣北東入賈魯河

過郡三行五百里

過潁川河南汝南三郡 段氏玉裁曰過潁川南陽汝南三郡

陽乾山

在今登封縣東二十五里

潁水所出東至下蔡入淮

水經潁水出陽城縣西北少室山東過其縣南又東南

過陽翟縣北潁陽縣西潁陰縣西南臨潁縣南潁強縣

北西華縣北女陽縣北南頓縣北新陽縣北至慎縣東

南入于淮今水出登封縣北少室山南流逕縣城西又

東南逕密縣南禹州北又東南分爲二流一東北出逕

新鄭縣南又東南逕長葛縣西南許州東北至臨潁縣

東一南出曰石梁河逕襄城縣東北許州西南至臨潁

縣北而復合又東南合堵水又東折而南流于商水縣

西北而與汝水會下流曰沙河也又東南逕陳州府城

南分爲二流一南出爲渦水一東南出逕沈邱縣北折

東北逕太和縣西北折東南而會渦水逕潁州府城北

至潁上縣北入于淮曰潁口也

過郡三行千五百里荆州寢

過潁川汝南淮陽三郡 段氏玉裁曰過潁川淮陽沛三郡

有鐵官

繪氏

在今登封縣西南八十里過典故城在告成縣西南括

地志在緜氏縣東南六十里郡國志作輪氏閻氏若璩

紀年楚吾得帥師及秦伐鄭圍繪氏蓋鄭邑也

若夏少康所邑之繪則在梁國虞縣與此迥別

南合

西北

東

南

新輯注地里志卷第四終

